

CV16061

Memoria xustificativa da quinta addenda ao convenio de colaboración entre a entidade pública empresarial Augas de Galicia e o Concello de Foz para a execución de actuacións de saneamento e depuración en Foz. Concello de Foz (Lugo), cofinanciada pola Unión Europea a través do Fondo Europeo de Desenvolvemento Rexional (FEDER) nun 80%, no marco do Programa operativo FEDER Galicia 2014-2020 e nun 60% do gasto elixible no marco do Programa Galicia FEDER 2021-2027

1. Antecedentes

O 31.08.2016 formalizouse o convenio de colaboración entre a entidade pública empresarial Augas de Galicia e o Concello de Foz para a execución da actuacións de "Saneamento e depuración en Foz. Concello de Foz (Lugo)", cofinanciada pola Unión europea a través do Fondo europeo de desenvolvemento rexional (FEDER) nun 80%, no marco do Programa operativo FEDER Galicia 2014-2020, cun importe de 8.000.000,00 €.

O 11.10.2019 subscribiuse a primeira addenda ao convenio para ampliar o prazo de vixencia e reaxustar a distribución de anualidades ao ritmo previsto de execución das actuacións.

O 10.11.2021 subscribiuse a segunda addenda ao convenio co fin de aumentar o importe do convenio, ampliar o prazo de vixencia e reaxustar as anualidades ao ritmo previsto de execución das obras. O importe do convenio tras a formalización da segunda addenda fixouse en 12.652.142,56 €

O 19.12.2023 subscribiuse a terceira addenda ao convenio co fin de modificar o título e o apartado quinta da cláusula terceira (obrigas xerais do concello), aumentar o importe do convenio, ampliar o prazo de vixencia, reaxustar as anualidades ao ritmo previsto de execución das obras e engadir as cláusulas décimo cuarta (publicidade) e décimo quinta (principio de non causar dano significativo).

O 30.12.2024 subscribiuse a cuarta addenda ao convenio coa finalidade de ampliar o prazo de vixencia e reaxustar a distribución de anualidades ao ritmo previsto de execución das actuacións. Quedando as anualidades como seguen:



Anualidade	Importe
2018	14.267,96 €
2019	40.879,54 €
2020	14.000,00 €
2021	7.772,50 €
2022	0,00 €
2023	0,00 €
2024	3.146.262,37 €
2025	8.838.638,26 €
2026	1.420.724,17 €
	13.482.544,80 €

2. Causas que motivan a formalización dunha addenda ao convenio

No ámbito deste convenio licitáronse os seguintes contratos:

- O contrato de servizos “Apoio técnico no proceso de redacción do estudo de impacto ambiental e do anteproxecto da obra de "Conducións xerais e nova EDAR de Foz. Foz (Lugo)", clave **OH.327.668**, formalizado o 11.12.2017, cun importe de 62.920,00 €
- O servizo de levantamento batimétrico-xeofísico e prospeccións arqueolóxicas subacuáticas para o anteproxecto de colectores xerais e nova EDAR de Foz. Foz (Lugo), clave **GA.19152**, adxudicado o 11.9.2021, por un importe de 14.000,00 €
- O contrato “Colectores xerais e nova EDAR de Foz. Foz (Lugo)”, clave **OH.327.661**, formalizouse o 13.9.2022 cun importe de 11.944.425,46 € e un prazo de execución de 33 meses. O prazo de execución da obra e posta en marcha é de 30 meses, dos que 18 meses corresponden á execución da obra e 12 meses a súa posta en marcha.

De conformidade co disposto no artigo 242.4 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ao importe de adxudicación anterior débese engadir o importe do documento contable de retención de crédito para facer fronte aos gastos da certificación final da obra por un importe de 1.194.442,55 €.



A execución da prestación comezou ou 01.02.2024, sendo a data prevista para o remate do prazo da obra o 31.07.2025. Non obstante, na actualidade, a tramitación da autorización de vertido da nova depuradora de Foz e a concesión de ocupación do dominio público marítimo terrestre que precisa a súa condución de auga depurada, non se atopan aínda finalizadas, sen ser esta causa imputable ao contratista.

Vistas as necesidades expostas, propónse ampliar o prazo de execución da obra de doce (12) meses, sendo o primeiro día do cómputo o día seguinte á data inicialmente prevista para o remate do contrato. En consecuencia, a execución do prazo da obra estenderase desde o 01.08.2025 ata 31.07.2026 e o prazo da posta en marcha amplíase desde o 01.08.2026 ata o 31.07.2027.

Por outra banda, co obxecto de adecuar as instalacións da obra á Lei 1/2022, de 12 de xullo, de mellora da xestión do ciclo integral de auga (LMXCIA), o 25.05.2025 resolveuse a aprobación técnica e definitiva do proxecto modificado nº1 da obra de "COLECTORES XERAIS E NOVA EDAR DE FOZ. FOZ (LUGO)", de clave OH.327.661.M1, o que supón un orzamento adicional 651.058,84 € sobre o orzamento vixente.

O contrato menor de servizo para a redacción do proxecto modificado nº1 da obra "OH.327.661 Colectores xerais e nova EDAR de Foz. Foz (Lugo)" (AUG-2025-0017), adxudicouse o 20.12.2024 por un importe de 17.998,75 €.

- O contrato de servizo de apoio técnico á dirección facultativa na execución da obra hidráulica, clave **OH.727.700**, adxudicouse o 30.12.2022 por un importe de 147.885,65 €. O 28.08.2024 asinouse o modificado deste contrato por importe de 14.659,22 €. Na actualidade estase a tramitar a prórroga deste contrato por importe 28.621,14 €.
- O contrato de servizo para o desenvolvemento de actividades preventivas e accións de coordinación empresarial da obra, clave **OH.727.699**, formalizouse o 27.12.2022 por un importe de 104.211,92 €. Na actualidade estase a tramitar a prórroga deste contrato por importe 20.672,54 €.

A suma de todas as cantidades referidas anteriormente ascende a 14.200.896,07 €.

Ademais do anterior, debe terse en conta que a vixencia actual do convenio non resulta suficiente para acometer todas as actuacións nel previstas pois para a execución destas deben terse en conta os prazos necesarios para a tramitación dos procedementos de contratación, para a execución das obras, para a tramitación do procedemento de concesión para a ocupación do dominio público marítimo terrestre, así como para a realización dos trámites relacionados coa entrega e recepción das obras por parte do concello. Por estes motivos, amplíase o prazo de vixencia do convenio ata o 31.12.2027.

Por todo o exposto, é preciso aumentar o importe do convenio, ampliar o prazo de vixencia e reaxustar as anualidades ao ritmo previsto de execución das actuacións.



3. Obxectivos que se pretenden e estimación de custos e financiamento.

A addenda ten por obxecto:

- Modificar a cláusula cuarta do convenio de colaboración, coa finalidade de delimitar os supostos sometidos a trámite de información pública.
- Modificar a cláusula quinta do convenio de colaboración para aumentar o importe do convenio en 718.351,27€ e, consecuentemente, reaxustar e ampliar as anualidades do convenio quedando a seguinte distribución de anualidades:

Anualidade	Importe
2018	14.267,96 €
2019	40.879,54 €
2020	14.000,00 €
2021	7.772,50 €
2022	0,00 €
2023	0,00 €
2024	3.146.262,37 €
2025	4.027.808,85 €
2026	5.596.921,54 €
2027	1.352.983,31 €
	14.200.896,07 €

- Modificar a cláusula décima do convenio de colaboración para ampliar a vixencia do convenio ata o 31.12.2027.

4. Vixencia do convenio

O convenio addendado ten efectos desde a data da súa sinatura o 31.08.2016 e estenderá a súa vixencia ata o 31 de decembro de 2027. Porén, seguirá producindo efectos en tanto se manteñan as obrigas pendentes de cada unha das partes recollidas neste convenio.



O prazo de vixencia do convenio supera o límite inicial de 4 anos, establecido polo artigo 49.h) 1º da Lei 40/2015, do 1 de outubro, de réxime xurídico do Sector Público (LRXSP). Non obstante, o informe do 11.12.2017 da Avogacía do Estado determina que existe base normativa suficiente para aplicar a excepción prevista no citado artigo 49 h) 1º. Nesta mesma liña véñense manifestando tamén informes da Asesoría Xurídica da Xunta de Galicia emitidos para a tramitación de convenios de colaboración en materia de infraestruturas hidráulicas.

Así, por unha banda, respecto dos convenios de execución e financiación de infraestruturas hidráulicas, conclúe que poden ter unha duración superior a 4 anos, partindo da premisa de que na actualidade non existe ningunha norma en sentido técnico-xurídico que estableza de forma expresa cal ten que ser o prazo dos convenios que celebren as sociedades de augas, o informe considera que o espírito da Lei de augas (en particular, dos artigos 46.5, 111. bis. 1 e 3, 124.4, 125.1, 131.4 e 132.2), permite concluír que os convenios para a construción e o financiamento de obras hidráulicas poden ter unha duración superior a catro anos por existir o suficiente amparo normativo para considerar aplicable a excepción prevista no artigo 49. h).1º da LRXSP.

Achégase ligazón ao referido informe da Avogacía do Estado

https://www.boe.es/buscar/abrir_abogacia.php?id=ANALES_17_0007.pdf

O prazo de vixencia neste suposto, cal é a execución dunha obra hidráulica, non atenta contra o espírito e finalidade da limitación de prazo que establece a LRXSP, en tanto que a súa única finalidade é facilitar a execución das actuacións en que consiste o Convenio.

Consonte ao disposto no artigo 48.3 da Lei 40/2015, de 1 de outubro a addenda contribúe a mellorar a eficiencia da xestión pública, a facilitar a utilización conxunta de medios e servizos públicos e á realización de actividades de utilidade pública.

En Santiago de Compostela, na data da sinatura electronica

O director de Augas de Galicia

Roi Fernández Añón

